



UNIVERSITÄTS-
BIBLIOTHEK
PADERBORN

Universitätsbibliothek Paderborn

Consultationes Theologicæ Et Spirituales Christiani verè fidelis & verè devoti ...

... De Excellentissimæ Sanctissimæ Virginis Mariæ Matris Dei

Louis François <d'Argentan>

Augustæ Vindel. ; Dilingæ, 1726

VD18 80217915

Artic. V. Quantam securitatem habeant devoti erga sanctissimam,
Virginem, dum servi existunt tam potentis Dominæ.

urn:nbn:de:hbz:466:1-45581

ARGUMENTUM.

Quantam securitatem habeant devoti erga Sanctissimam Virginem, dum servi existunt tam potentis Dominae.

ARTICULUS V.

P Rincipes terræ non sunt potentes ex se metipsis; in subditis suis est potestas ipsorum; si enim desererentur ab his, quid fierent? Rex totus solus fortior non esset quovis alio homine; hinc ex justitiâ tenentur protegere ipsos; æquissimum enim est, ut pro illis suam impendant potentiam, quam ab ipsis accipiunt. Beati subditi fideles, qui maximam consignare nõrunt potentiam manibus boni Principis, edquod sibi ipsis potentissimam concilient protectionem, sub quâ vivant in pace & securitate, dum suum faciunt Principem vivere in gloriâ & honore.

Non ita se res habet cum Sanctissimâ Virgine, Reginâ Cæli & terræ. Ipsa non recipit potentiam suam à subditis suis, obinet illam totam ab Unigenito Filio suo, qui Omnipotens est ex se metipso. Ipse est Omnipotens ad creandum mundum cum DEO Patre suo: Ipse est Omnipotens ad redimendum mundum cum Sanctissimâ Matre suâ; siquidem si non esset Unigenitus ipsius Filius, non posset redimere mundum pœnolo suo

sanguine; Et ideo consignat is omnem potentiam manibus illius, quam ratione quâdam accepit ab ipsâ, ad impendendum illam totam integram secum in favorem pauperum peccatorum.

Loquor cum sancto Bonaventura, Doctore Seraphico, & fidelissimo Virginis Sanctissimæ servo, qui in suo speculo hæc verba exarata reliquit: *Quia Dominus est Omnipotens tecum, tu etiam es Omnipotens secum; Tu es Omnipotens per ipsum, Tu es Omnipotens post ipsum.* Et magnus Cardinalis S. Petrus Damiani, qui eloquentissimus erat & summè divino accensus amore, id verbis luculentioribus nobis exponit, dum dicit: *Accedit ad Thronum DEI, non tantum rogans, sed imperans, Domina, non ancilla.*

Ne tumultuemini hinc Sanctissimæ inimici Virginis, nec dicatis, hoc esse Creatorem submittere creaturæ, dum dicitur non sine quâdam blasphemix specie, quod DEUS obediat Virgini, quando hæc illi imperat. An igitur blasphemix arguis Sacram Scripturam, quando dicit, DEUM obedire vo-

S. Bonavent.
in spec. B. V.

S. Pet. Dam.
serm. 1 de
Nativ. B. V.

Iosue, 10.

ci Josue, detinentis mox solem, dum ipsi imperavit: *Obediens DEO voci hominis.* Et quoties JESUS Christus obedivit mandato Sanctissimæ Matris suæ, dum vixit in terris? Nōne is semper idem est DEVS? Nōne ipsa quæque est eadem Mater DEI in cælo & in terrâ? Ipsa Mater est veri Salomonis, qui verius ipsi dicit, quàm dixerit Salomon Bethsabææ

3. Reg. 2.

Matri suæ: *Pate Mater mea, neque enim fas est, ut avertam faciem tuam.*

Sanctissima Virgo potentior est apud Deum, quàm omnes Sancti simul.

Suarez, 2. tom. 3. p. disp. 23. sect. 2.

Omnes intercessionum Sanctorum potentes quidem sunt, ad obtinendum nobis gratias & benedictiones DEI; sed tanta est differentia inter solam Matrem, & omnes servos simul, ut celeberrimus & piissimus quidam Theologus scripserit; quod si tota Curia cælestis, omnes Angeli, omnæque sancti, qui in Paradiso sunt, simul se conjungerent, ad postulandum aliquid à DEO, & sola Sanctissima Virgo peteret contrarium, ipsa obtentura id esset præ illis omnibus, ipsiusque sola oratio potentior & efficacior foret, omnibus orationibus reliquorum Sanctorum; eodquod

tandem ipsa sola sit Mater, & alij omnes non nisi servi.

Intelligitis hoc bene, vos qui devoti estis Sanctissimæ Virgini? Videtis magni æstimandam vobis esse devotionem vestram? Consideratis bene absolutam ipsius potentiam, vos qui omnem vestram post DEVM collocastis in ipsâ fiduciam? An potestis decipi, dum vos devovistis illi, vosque palam declarastis subditos & servos ipsius? An bene aspiciatis potestatem, quam DEVS contulit illi, summamque, quâ apud Majestatem ipsius pollet, auctoritatem; vos qui non cessatis obsecrare ipsam, ut suâ vos foveat protectione, & obsecret pro vobis, nunc & in horâ mortis vestræ. Deprecemini, deprecemini ipsam incessanter, vestra firmate propolita de augendâ indies erga ipsam devotione vestrâ; congeminate & roborate absque intermissione fiduciam, quam collocatis in bonitate ipsius ac potentiâ; nec quidquam metuite, nisi ne sitis ipsi unquam infideles. O Beatos & mil-

lies, beatos tam potentis Dominæ servos?

* *

ARGUMENTUM.

Historia seriâ consideratione digna.

ARTICULUS VI.

LEge Annales Ordinis S. Dominici; ibi videbis, magna hunc Sanctum qui per to-

tam vitam suam clarissimæ instar rubæ evulgavit ubique Excellentias Sanctissimæ Virginis, totumque

que